



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titulus XVI. De Adulteriis & stupro.

---

[urn:nbn:de:hbz:466:1-63255](#)

repellere, sed id solum cavetur, ne ars illa mortifera & odibilis contra Christianos exerceatur, a Christiani nominis hostes hac in arte contra Christianos exerceantur, sub pena excommunicationis per sententiam infligendam. cap. un. h.t.

## TITULUS XVI.

### De Adulteriis & stupro.

**Q**UÆRES 1. Quid sit adulterium & quo. tuple? Resp. Adulterium strictè & proprium sumptum est violatio alteri thori aliud dicitur formale, quod à duobus conjugatis committitur; aliud simplex, quod à conjugato cū solutâ, vel contra patratur; inter quæ licet de Jure Canonico non sit differentia, est tamen de Jure Civili, eò quod hoc Jure adulter non censeatur, qui cum solutâ concubuit, l.i. Cod. de adulteriis. adeoque penæ in adulterios statutæ, hoc casu locum non habent.

**Q**UÆRES 2. Quæ sint adulterii penæ? Respond. Penæ adulterii infliguntur aliae de Jure Canonico, aliae de Jure Civili. Jure Canonico [ub. latâ mortis pena] Deuter. 22. Pro adulteris statuta] Clericus adulter ab officio & beneficio deponendus est. can. si quis Clericus disl. 81. & insuper in Monasterium ad agendum penitentiam perpetuam detrundens; licet hodiè crimen hoc mitius puniatur, forsitan quod frequentius perpetretur, id singulariter in odium adulterorum statutum est, quod maritus adulterii in flagranti deprehensum impune occidere potu-

potuerit, l. 24. §. ad legem Julianam de adulterio, quo rigore sublato hoc unicum maritus solatium habet, quod si Clericum cum uxore sua reprehensum percussit, excommunicationem non incurrat, cap. 3. de sent. excoicat. eo quod talis percussio potius justi doloris vehementia quam suadente diabolo præsumatur facta; jure autem Civili in adulterio est statuta poena gladii per ordinationem Caroli V. art. 120. quod in Hassia & Saxonia rigorosissime observatur, in aliis autem partibus crimen hoc misericordiam meretur.

QUÆRES. 3. Quid sit stuprum? Resp. Stuprum strictè sumptum est illicita defloratio virginis citra vim facta, quæ etiam fornicatio simplex dicitur. Hæc aliter punitur de Jure Canonico, aliter de Jure Civili. Iure Civili deflorans virginem publicatione dimidiae partis honorum, vel relegatione, vel ut hodiè fieri solet, poenâ arbitriâ punitur; Iure autem Canonico deflorator defloratam dotare, eamque uxorem habere compellitur, aut si id facere renuat corporaliter castigatus in Monasterium detruditur cap. 1. b. t. quod si Clericus taliter peccaverit, deponi, & insuper ad arbitrium judicis, poenâ pecuniariâ vel etiam corporali poterit puniri.

